

古
方
通

東吳王晉三注

傷寒古方通

岸吟香題





数据加载失败，请稍后重试！

古方通叙

蓋鑿之為術也軒岐以後代有良方而神機變化莫
追張長沙氏者談其一百一十三方二百九十七法
悉從和寒溫汗吐下六劑中化出分條共貫有造化
生心之妙焉乃今言鑿者必稱長沙之古方雖則稱
古方也多泥焉不通空論曠日或從務涉獵而於立
方精義往往習焉不察無異買櫝還珠鮮有得其要
者矣大清東吳王氏晉三以通儒而深研鑿理挾術
以遊全活不可數計從事於斯者垂五十年深思力

學得之至素於仲景之書如探珠赤水獨得領下一
顆著古方通蓋變化往來不窮謂之通圍幽微隱各
極其微雖不皆仲景之方要皆與仲景之旨默相契
合可不謂之通乎哉殆長沙之功五古昔聖賢之羽
翼也以此砭俗學而示來茲世中流之一壺也夫
寬政乙卯小春日浪華錢于賢伯愚氏識



傷寒古方通條目

仲景傷寒論辨六經為病非辨風寒也其方亦以上下
表裏寒熱為治非專治傷寒也和寒溫汗吐下六者為
祖方蓋方之有祖猶字之有母由茲或複或減或因或
變擴成一百一十三方井井有條絲絲入籠標而出之
竊謂心有所得及觀柯韻伯傷寒論翼具載靡遺可謂
先得吾心之所同然者矣

桂枝湯和劑祖方也

白虎湯寒劑祖方也

四逆湯溫劑祖方也

麻黃湯汗劑祖方也

梔豉湯吐劑祖方也

承氣湯下劑祖方也

梔豉湯瓜蒂散宣可決壅也

五苓散十棗湯通可行滯也

附子湯理中丸補可扶弱也

陷胸湯承氣湯抵當湯洩可去閉也

麻黃湯葛根湯輕可散實也

龍骨牡蠣湯重可鎮怯也

石脂丸桃花湯澀可去脂也

猪膽導蜜煎導滑可去着也

麻黃連軹赤小豆湯燥可去濕也

黃連阿膠湯潤可去枯也

白虎湯寒能勝熱也

白通湯四逆湯熱可制寒也

桂枝湯解肌表之汗是宣發形肉之陽氣也

麻黃湯發經絡之汗是疏通血脉之陰氣也

葛根湯解肌肉之汗是升提津液之清氣也

大青龍湯泄胸中之汗清內擾之陽氣也

小青龍湯發心中之汗滌內蓄之水氣也

麻黃湯邪傷營而不傷形者竟發汗以散邪也

桂枝湯邪傷衛而已傷形者服之歠粥漬形以為汗也

麻黃細辛湯用附子升腎液以為汗也

附子湯用人參固腎液以止汗也

柴胡湯重用寒涼陽經之邪不欲其太升也

烏梅丸重用辛熱陰經之邪不欲其太收也

麻黃湯病從外之內者仍治其外也

梔豉湯病從內之外者仍調其內也

桂枝湯病雖入裏而表症仍在者當先和其表也

調胃承氣湯症雖有表而裏症甚者當先調其內也

大柴胡湯小柴胡湯從半表半裏者當和其內外也

小柴胡湯治輕邪在腠理

大柴胡湯治濁邪入募原

桂枝湯僅解太陽初感之邪

柴胡湯可調三陽半表之症

麻黃附子湯治邪從陽分注經之症

附子湯治邪從陰分內注於骨之症

小青龍湯治表熱裏寒

大青龍湯治表寒裏熱

四逆散解少陰裏熱

當歸四逆湯散厥陰表寒

通脈四逆湯救少陰亡陽

茯苓四逆湯救太陽亡陰

白虎湯承氣湯存中焦之陰以和胃氣

白頭翁湯四逆散救下焦之陰以清脾氣

麻黃附子細辛湯黃連阿膠湯甘草湯桔梗湯猪膚湯半

夏湯苦酒湯治陽邪傷少陰之陽

桃花湯猪苓湯治陽邪傷少陰之陰

附子湯吳茱萸湯治陰邪傷少陰之陽

通脈四逆湯茯苓四逆湯乾薑四逆湯治陰邪傷少陰之

陰

附子督麻黃從少陰出太陽

大承氣不設監制從太陰入陽明

麻黃湯發營中熱汗

瓜蒂散梔鼓湯吐胸中寒飲

瓜蒂散吐上焦之重劑

梔鼓湯吐中焦之輕劑

十棗湯大陷胸丸治中焦之水瀉之於內也

桂枝去桂加茯苓術治下焦之水引而竭之也

小青龍湯治動而逆上之水

五苓散治靜而不行之水

十棗湯治瀰漫之水

大陷胸治痞滿之水

真武湯治沉着之水

小青龍治寒邪未解之水故溫以汗之

十棗湯治陽邪未解之水故引而竭之

小青龍入太陽治陽水功兼外散

真武湯入少陰治陰水功專下滲

烏梅丸治陰經厥利故兼溫補

白頭翁湯治陽邪熱利故專涼散

干棗湯五苓散下太陽水道之邪

大柴胡湯下少陽氣分之邪

三承氣湯下陽明穀道之邪

桂枝加大黃湯下太陰轉陽明之邪

桂枝加芍藥湯和大陷下太陰之邪

柴胡湯加芒硝下少陰轉陽明之邪

大柴胡湯下少陽無形之邪

柴胡湯加芒硝下少陽有形之邪

桂枝加芍藥湯下太陰無形之邪

三物白散下太陰有形之邪

四逆散下少陰無形之邪

大小承氣湯下諸經有形之邪

桂枝湯太陽表劑多從是湯加減

梔豉湯陽明表劑多從是湯加減

小青龍湯義重半裏故加減中麻黃可刪

小柴胡湯義重半表故加減中柴胡必存

桂枝湯加附子加大黃是方外隨症可複

青龍湯加減真武湯加減即於方內求義損益

附子湯吳茱萸湯加人參從陽固陽

白虎湯瀉心湯加人參從陰濟陰

當歸四逆湯不去芍藥和肝陰也

白頭翁湯重用芩連泄肝熱也

烏梅丸黃連一觔黃柏六兩重瀉肝熱也

復脈湯生地一觔麥冬八兩急救肝陰也

柴胡湯有加減法者少陽有變動之用

烏梅丸無加減法者厥陰為止靜之體

桂枝湯有疑似症柴胡湯亦有疑似症

柴胡湯有壞病桂枝湯亦有壞病

桂枝湯症罷桂枝不中與隨症治之仍不離桂枝

柴胡湯不中與設法救逆仍不出柴胡